



SIARAN AKHBAR

S.A. 2021/01/15 (HQ)

TNB HENTITUGAS 75 PENCAWANG DI PAHANG DAN JOHOR

- 1,699 pengguna terkesan
- Tiada pencawang ditutup di Terengganu dan Kelantan

Tenaga Nasional Berhad (TNB) menutup sementara 75 pencawang elektrik di negeri Pahang dan Johor, setakat jam 2 petang hari ini melibatkan 1,699 pengguna.

Daripada jumlah itu, 74 pencawang dihentitugas di beberapa daerah di Pahang, termasuk daerah Temerloh, Jerantut dan Bera melibatkan 1,005 pengguna. 15 pencawang mendapat bekalan melalui set janakuasa bergerak.

Berikutan keadaan banjir di negeri itu, TNB turut memberi bekalan kepada 15 pusat pemindahan banjir yang tidak menerima bekalan daripada pencawang melalui set janakuasa bergerak dan set janakuasa mudah alih.

Keadaan banjir yang semakin surut di Johor pula memerlukan TNB untuk menutup sementara satu pencawang elektrik melibatkan 694 pengguna.

Manakala di negeri Terengganu dan Kelantan, tiada pencawang elektrik yang ditutup hari ini rentetan keadaan banjir yang semakin reda.

Penutupan pencawang elektrik ketika banjir dilakukan demi keselamatan pengguna dan TNB sentiasa berusaha memulihkan bekalan dengan mengambil kira aspek keselamatan pengguna dan pekerja TNB.

Bagi memastikan pengurusan banjir yang berkesan, TNB telah mengaktifkan bilik gerakan di Kelantan, Terengganu, Pahang, Perak dan Johor untuk tujuan pemantauan selain bagi menyampaikan maklumat berkaitan bekalan.

Pengguna di kawasan banjir dinasihatkan untuk sentiasa mematuhi arahan pihak berkuasa sekiranya diminta berpindah dan menghubungi TNB Careline di talian 15454 jika ada pemasangan TNB, Pihak Berkuasa Tempatan (PBT) mahupun Jabatan Kerja Raya (JKR) yang beralih atau tumbang.

Sentiasa jauhan diri daripada menghampiri tiang elektrik, pemasangan elektrik dan kabel elektrik- termasuk yang bersalut dengan penebat yang ditenggelami air. Semua ini mungkin masih mempunyai arus bekalan elektrik dan boleh menyebabkan risiko renjatan.

Orang ramai juga dinasihatkan agar berhati-hati ketika menggunakan peralatan elektrik jika premis mereka dinaiki air. Elakkan menyentuh alat elektrik atau suis dengan tangan yang basah dan lembap kerana ia boleh menyebabkan renjatan elektrik.

Setelah banjir surut, pengguna disaran untuk mendapatkan khidmat kontraktor pendawaian yang berdaftar dengan Suruhanjaya Tenaga bagi memeriksa pendawaian di dalam premis mereka yang dinaiki air.

Dikeluarkan di Kuala Lumpur pada 10 Januari 2021, jam 6:00 petang
*Untuk pertanyaan lanjut media, sila hubungi Fitri Majid 013-3626923 /
Grace Tan 016-6626229 / Nasir Aziz 018-9434524
atau emel kami: media@tnb.com.my*